

方以類聚

脾

錢氏謂脾主困。潔古謂脾主濕。自病則瀉。瀉多脾。脾
乘脾。賊邪風瀉而嘔。心乘脾。虛邪壯熱體重而瀉。肺
乘脾。實邪能食不大便而嘔吐嗽。腎乘脾。微邪惡寒
泄瀉。劉氏謂凡脾之得病。必察肝心兩藏之虛實。根
其源之所起。然後救療。蓋肝脾之鬼。心脾之母。肝氣
盛則鬼勝。心氣虧則脾家生氣不足。盛者抑之。虧者
益之。診其脉。肝心兩藏俱和。則是脾自生病。

益黃散又名補脾散治脾胃虛寒陳橘皮一兩青
橘皮訶子肉甘草剉炒各半兩丁香二錢俱爲細
末每二錢水一盞煎六分食前溫服東垣云錢氏
以益黃散補土又言風旺必克脾土當先實其脾
昧者不審脾中寒熱一例用補又不審藥中有丁
香青皮辛熱大瀉肺金脾虛之證豈可反瀉其子
爲寒水反來侮土中寒嘔吐腹痛瀉痢青白口鼻
中氣冷益黃散神治之藥也如因服熱藥已更之

三十七卷

類過劑損其脾胃或因暑天傷熱積熱損其脾胃而成吐瀉口鼻中氣熱而成慢驚者不可惟服人蔞安胃散薛氏云脾土虛寒水侮之如東垣所云諸證宜用此方若因脾土虛弱吐瀉者用六君子湯加柴胡如不應或手足俱冷屬虛寒也更加木香炮薑

○瀉黃散又名瀉脾散治胃經實熱藿香葉七錢山梔子仁一兩石膏半兩甘草三兩防風四兩去蘆

切焙共剉同蜜酒微炒香爲細末每一錢至二錢
水一盞煎五分溫服無時

○人葶安胃散治脾胃虛熱黃耆二錢人葶陳皮去
白各一錢生甘草炙甘草各半錢白芍藥七分白
茯苓四分黃連少許共爲麤末每二三錢水煎五
沸去渣溫服

不乳食

面色晄白。目無睛光。口中氣冷。不食吐水。肌瘦腹痛。此胃氣虛寒之證。五味異功散。或六君子主之。若大便不實。兼脾虛也。加乾薑溫之。中滿不利。脾不運也。加木香開之。喜冷便秘。胃實熱也。瀉黃散涼之。命門火衰不能生土者。八味丸補之。蓋下焦真陽充盛。則上生脾元。自能溫蒸水穀矣。

調中丸治脾胃虛寒。白朮人蔘甘草炒各五分爲

末蜜丸服

○平胃散治脾胃不和不思飲食心腹脹痛口苦短
氣惡心噯氣吞酸面黃體瘦嗜臥體痛霍亂吐瀉
厚朴薑汁製五兩陳皮甘草炙各一兩蒼朮米泔
浸焙八兩俱爲末每二錢薑棗水煎沸湯點服亦
得調氣煖胃化宿食消痰飲辟四時不正之氣乳
食停滯噯腐吞酸嘔噦惡心者宜若飲食旣消脾
胃虛弱嘔吐惡心則宜四君子湯

○健脾飲建脾養胃理嘔吐治瀉痢及諸病後氣色
虛弱有痰惡心腹中微痛飲食減精神慢厚朴去
麤皮薑汁浸一宿慢火炒乾再入醇酢淬透仍以
慢火炒人薇去蘆各一兩白茯苓去皮肉豆蔻半
夏湯煮透仍剉焙乾益智仁淨香附良薑剉片東
壁土炒訶子肉各二錢半甘草炙五錢每用二錢
水一盞薑二片棗一枚煎七分無時服

○藿香飲理虛化痰及脾胃不和飲食少進正氣除

邪人茯苓去蘆半夏湯煮透濾剉片焙乾赤茯苓去
皮甘草炙各一兩蒼朮去麁皮米泔水浸一宿濾
乾剉片炒微黃二兩陳皮去白藟香去梗各七錢
半厚朴去麁皮製一兩半每二錢水一盞薑二片
棗一枚煎七分空心溫服或入燒鹽

脾弱多困

胃陽也主氣。脾陰也主血。胃司納受。脾司運化。脾氣既弱。則健運之令不行。化生之功失職。嗜臥多困。所由生焉。亦有乳母飲酒。致兒昏醉好睡者。

人蓂散治脾風多困。人蓂冬瓜仁各半兩。南星切片。用漿水薑汁煮存性。一兩共爲細末。每一錢水半盞。煎二三分溫服。

痰涎

小兒多涎。由脾氣不足。不能四布津液。若不治本。益中氣。徒去痰涎。雖病液亦元氣所附。去之不已。遂成虛脫。

半夏丸治痰證。若驚搐後風涎潮。作半夏生二兩。赤茯苓去皮。枳殼製各一兩。風化朴消二錢半。共爲末。乳鉢同消。杵勻。生薑自然汁煮糯米粉和丸。菉豆大。每服三十至五十。淡薑湯食後臨睡送下。

兒小丸粟米大

○萬全鬱金散治小兒風熱鎮心壓涎鬱金一兩用
阜角二挺按水一碗慢煮鬱金令乾以水淨洗天
竺黃馬牙消甘草炙各半兩朱砂一分研龍腦一
錢研俱爲末研勻每服半錢麥門冬熟水調下量
兒大小加減

吐瀉

小兒吐瀉併作。卽名霍亂。脾胃虛弱。清濁相干也。有先瀉而後吐者。瀉白水。吐不多。口氣緩而神色慢。乃脾胃虛冷也。有先吐而後瀉者。氣促脣紅。吐來面赤。乃脾胃有熱也。

。小兒吐瀉。芹菜切細。煮汁飲。不拘多少。

。巴豆一箇。針穿燈上。燒過黃蠟。一豆大。燈上燒滴。入水中。同杵丸黍米大。每五七粒。蓮子燈心湯下。

○脾胃虛寒齊州半夏泡七次陳粟米各一錢半薑
十片水盞半煎八分溫服

○吐泄注下小便少用熟附子五錢白石脂煨龍骨
煨各二錢半爲末酢麴糊丸黍米大每米飲量兒
大小服

○丁香橘紅等分煉蜜丸黃豆大米湯化下

○胃虛及有痰驚用梓州厚朴一兩半夏湯泡七次
薑汁浸半日曬乾一錢以米泔三升同浸一百刻

水盡爲度未盡少火熬乾去厚朴研半夏每服半錢或一字薄荷湯調下

○吐瀉不拘冷熱驚吐反胃一切吐利諸治不效者用硫黃半兩水銀二錢半研不見星每服一字至半錢生薑水調下或炒結砂爲丸

○理中丸治吐利不止米穀不化手足厥冷人蓂白朮乾薑甘草炙各等分爲細末麴糊丸棗豆大每服十粒米飲下或一十二粒不拘時

○玉露散一名甘露散寒水石半兩軟而微青黑中有細紋者生甘草一錢石膏半兩堅白而有墻壁手不可拆者如無以解石代之堅白似石膏敲之段段皆方者是俱爲細末每服一字或五分至一錢食後溫湯調下海藏云非腎熱相火大盛不宜不換金正氣散治脾胃不和寒熱往來藏府虛熱霍亂吐瀉厚朴薑製藿香陳皮半夏蒼朮米泔浸甘草炙各等分每二三錢薑棗水煎服